

ՆԱՐԵԿԱՑՈՒ ՈՂԹԻ ԱՐՁԱԳԱՆՔՆԵՐԸ XVIII ԴԱՐԻ
ԲԱՆԱՍՏԵՂԾՈՒԹՅԱՆ ՄԵՋ

Բանասիր. գիտ. դոկտոր Շ. Լ. ՆԱԶԱՐՅԱՆ

Հայտնի է, որ XVIII դարում, աշուղական բանաստեղծության վերելքին զուգահեռ, ծրագրային հիմունքներով զարգանում է հայոց դասական, գրա-
բար և աշխարհաբար բանաստեղծությունը: Դա հայոց նոր և ընդհանուր վե-
րանորոգության շարժման, անցման շրջանի հայ գեղարվեստական գրակա-
նության առանձնահատուկ երևույթներից մեկն է, նրա ակնառու նվաճումը:

Վերանորոգվող բանաստեղծությունը բնութագրվում է իբրև ողբի և
սթափման, տառապանքի և հույսի բանաստեղծություն և ունի իր պատմու-
թյունը: Վշտի, հառաչանքի, մեղքի, զղջման, ապաշխարության և միաժամա-
նակ հույսի, հավատի, ինքնահաստատման, մաքառողական պայքարի ներ-
քին համատեղ մի հնչուն ունի միջնադարյան հայոց հոգևոր երգը, աղոթքն
ու շարականը՝ V դարից ի վեր՝ Սահակ Պարթևի, Մեսրոպ Մաշտոցի, Մովսես
հորենացու և այլոց հոգևոր երգերից սկսած՝ մինչև Սիմեոն Երևանցու, Պետ-
րոս Նախիջևանցու աղոթքները: «Լուսաւորեցէր զՀայաստան աշխարհս ըզ-
բնզ»,—գրում է Մովսես հորենացին հայոց առաջին կաթողիկոս Գրիգոր Լու-
սավորչին նվիրված իր շարականում¹:

X—XIV դդ., հայոց մշակութային կյանքի համայնապարփակ զարթոնքի
այդ շրջանում վերածնունդ է ապրում նաև դասական բանաստեղծությունը,
հոգևոր և աշխարհիկ երգը: Անանիա Նարեկացու, Գրիգոր Նարեկացու, Վար-
դան Հայկազնի, Ներսես Շնորհալու, Ներսես Լամբրոնացու, Գրիգոր Մարաշե-
ցու, Գրիգոր Տղայի, Ստեփանոս Օրբելյանի, Կիրակոս և Հովհաննես Երզնե-
կացիների, Ֆրիկի և այլոց լավագույն երգերը բանաստեղծական արվեստի
նոր գծերով և գաղափարական նոր բովանդակությամբ ներկայացնում են հա-
յոց վերածննդի շրջանի բանաստեղծության կուռ համակարգը:

X—XIV դդ. վերածննդի բանաստեղծության հիմնադիրը, առաջնորդը, տե-
սաբանը և գործադրողը եղավ հանճարեղ Գրիգոր Նարեկացին: Նարեկացու
«Մատենան ողբերգութեան» քնարական պոեմի աստվածաշնչային, բանական
և իմացական հնչյունները՝ Մովսես հորենացու «Ողբի» քննադատանքի և Դա-
վիթ Անհաղթի «Սահմանքի» ճանաչողական, ճշմարիտ փիլիսոփայության
ներքին շաղախով, ներգործում են հետագա բոլոր դարերի հայ նշանավոր բա-
նաստեղծների վրա:

Առաջին անգամ բանաստեղծության կենտրոնում կանգնում է մարդը,
հավատացյալ բանական գոյը՝ իր անհատականությամբ, իր նոր աշխարհա-
զգացողությամբ:

Ո՛չ ոք մեղաւոր, իբրեւ զիս,
Ո՛չ ոք անօրէն, ո՛չ ոք անբարիշտ,
Ո՛չ ոք անիրաւ ո՛չ ոք շարագործ...
Ե՛ս միայն, եւ այլ, ո՛չ ոք,
Ե՛ս համայնն, եւ յի՛ս ամենեցուն²,—

¹ Հ. Գ ա ր ր ի ե լ Ա վ ե տ ի ք յ ա ն. Բացատրութիւն շարականաց. Վենետիկ, 1814, էջ
428; Ըստ Գ. Ավետիքյանի, այս շարականը ձեռագրերում վերագրվում է նաև Հովհան Ման-
գակունուն:

² Գ ր ի գ ո ր Ն ա ր ե կ ա Յ ի. Մատենան ողբերգութեան, աշխատասիրությամբ Պ. Մ. Խա-
չատրյանի, Ա. Ա. Ղադիբյանի. Երեւան, 1985, բան ՀԲ, էջ 535 (այսուհետև կնշենք միայն
համապատասխան գլուխը և էջը):

«Ես եմ համայնը և ամենքինն է պարփակված իմ մեջ» — սահմանում է նարեկացին: Սա հիրավի դարագլխային գեղագիտական ըմբռնում է: Բանաստեղծը ձգտում է ճանաչել, հասկանալ իրերի, առարկաների աշխարհը, ներթափանցել երկնային և երկրային կյանքի երևույթների մեջ, բացահայտել նրանց առանձնահատկությունները, նրանց միջև եղած կապը, հակասությունները, այդ հակասությունները ծնող պատճառները և որը գլխավորն է՝ ուղիներն ընդունելով դրանց վերացման համար:

Նարեկացու պոեմի հանգուցային խնդիրն է՝ իր գլխավոր հերոսին (բոլոր շնչավոր էակների առաջնորդ մարդ արարածին, բանական գոյին), որը, լինելով տիեզերքի զարդը, հեռացել է իր սահմանից՝ վերադարձնել իր սահմանը (Դավիթ Անհաղթ), սանձել նրա վնասակար կրքերը, արթնացնել նրա մեջ քնած բանականության ձայնը, իմացական և զգացական հատկությունների ներդաշնակություն ստեղծել նրա մեջ, կատարելագործել նրան ամենակատարյալի՝ աստծու օրինակով:

Կառկառեա՛ ի վերայ իմ դամենամերձ աջ թոյ
Եւ գորացո՛ղիս շնորհաւք գթութեանդ բոյ,
Փարատեա՛ ի մտաց իմոց զմէջ մթութեան մոռացութեան՝
Ապաքինեալ ընդ նմին զխաւար մեղաց:
Ամբռնեալ ուշիւ իմաստիցս ի կենցաղոյս Երկրէ ի բարձունս:
Հաւաւորեա՛ ի յիս վերստին զծաղումն անստուեր հրաշից գիտովեան
Աստուածութեանդ թոյ, հզար, արժանի լինել առնել
Եւ ուսուցանել՝ յարինակ բարեաց աստուածասէր լսողաց՝—

Թախանձում է նարեկացին: Աստծու «լույս կերպարանքով» վերափոխվելու այս ձգտումը, բանական, շնչավոր գոյի, մարդու վերափոխության այս միջոցը, աստվածամանության գաղափարը հայոց բանաստեղծության մեջ (որը, ինչպես հայտնի է, գալիս է անտիկ շրջանի փիլիսոփաներից և քրիստոնյա հայերից), հայոց միջնադարում, քրիստոնեական հավատքի ամրապնդման այդ շրջանում, դառնում է գրական միտում, դառնում է հայոց վերածննդի բանաստեղծության բուն հատկանիշներից մեկը: Նկատենք նաև, որ Դավիթ Անհաղթը, դեռևս քրիստոնեության վաղ շրջանում, առանց քրիստոնեական դրոշի, ե նարեկացին քրիստոնեության վերելքի շրջանում, քրիստոնեության դրոշով, մեկը փիլիսոփայության օրենքներով, մյուսը՝ բանաստեղծության (ոգրի եղանակով) մարդու վերափոխության կատարելության, նրա աստվածայնացման հարցերում գրեթե նույն ընդհանրացումներն են անում, նույն սկզբունքները առաջադրում:

Փիլիսոփայությունը՝ սահմանում է Դավիթ Անհաղթը, — հետևում և աշակերտում է աստվածային իրողություններին, իսկ մարդկային գործերը կարգավորում, կառավարում է. «էլ ի՞նչ կարող է լինել ավելի երանելի և վայելուչ, — շարունակում է Դավիթ Անհաղթը, — քան ըստ մարդկային կարողության աստծուն նժանվելը, որովհետև, — սահմանում է իմաստասերը, — աստծու կերպարին նստուկ եւ հետևյալ երեւ հատկանիշները՝ բարությունը, իմաստասերությունը և հզորությունը»³: «Եւ որքան մարք է զմարդն աստուծոյ՝ աստուծոյ նմանեցուցանել», — գրում է նարեկացին, կարծես թե հաստատելով Դավիթ Անհաղթին ե ապա թվում նույն առաքինությունները, որոնցով աստված օծտել է աստծու մարդուն (բան ՀԱ):

Որ արարէր զիս ի թո պատկեր պանծալի՝
Ի ձեռն վեհիդ տպաւորութեան զտկարս ամժանդակելով,
Զարդարեցեր բանիւ, փայլեցուցեր փշմամբ,

³ Բան ԼԴ, էջ 386: Տե՛ս նաև՝ Դավիթ Անհաղթ և հայոց միջնադարյան գեղարվեստական գրականությունը. — «Բաղմավեպ», 1981, № 3—4, էջ 243—287:

⁴ Դավիթ Անհաղթ. Երկեր, Թարգմանությունը, առաջարանը և ծանոթագրությունները Ս. Ս. Արևշատյանի. Երևան, 1980, էջ 80, 81:

Մտաւք ճոխացուցեր, իմաստիւք անեցուցեր,
Հանճարով հաստատեցեր, ի ջնշականացն որոշեցեր...⁵

Նարեկացու ողբերգությունն խորին պատճառը մարդկային այդ բարեմաս-
նությունների կորուստն է, բանական գոյի համար ի վերուստ տրված և
իմաստասիրությամբ սահմանված առաքինությունների կորուստը.

Եւ դիւրդ ասացից անձին իմում մարդ զրեալս ընդ անմարդիս,
Եւ ի՞րր անուանեցայց բանական անբանիցն հիմարութեան կցորդեալս,
Եւ ո՞րպէս կոչեցայց տեսանողական՝ մթացուցեալ ղլոյսս, որ յիս,
Եւ ընդի՞ր համբաւեցաց ցզդայական՝ դիմաստիցս զրունս փակեալս...⁶

Առավել ուշագրավ է այն, որ «Մատենանում» ծայրից ծայր զարգացող
այս նույն հայացքը Նարեկացին հիմնավորում է նաև «այլազգի իմաստա-
սերի» այն դրույթով, որ հայտնի է ամենքին անմահ Եղիշեի պատմությունից.
«Մահն իմացեալ անմահութիւն է, մահ ոչ իմացեալ՝ մահ»։ Մահն ինքնին չա-
րի՞ք է, — ընդգծում է Նարեկացին, ուրեմն անխուսափելի այդ շարիքը պետք է
թելադրի մարդ-բանականին իմաստավորելու իր ապրած տարիների կյանքը
այնպես, որ անմահանա նրա անունը, որ նա ապրի իր գործով, որ նրա «ծառը
տեբեալից չմնա անպտուղ...»։ Սա կատարյալ վերածննդի պատգամ է, որ
տալիս է Նարեկացի քնարերգակը՝ ողջ մարդկությանը և իր ժողովրդին, սա
կյանքի և մահվան փիլիսոփայության այն բարձրակետն է, որով նշանավո-
րում է Նարեկացին հայոց դասական բանաստեղծությունը.

Քանզի ևւ որպէս իմաստակի ումմն արտաքնոյ
Բարոք թուեցաւ շար ասել դմահ՝ առ շիմանալոյն պատճառի,
Եւ ևս վկայեմ իմովս բանիւ.
Քանզի իբր զանդգայ պահարս անասնոց՝
Մեռանիմք, ևւ ո՞չ զարհուրիմք...
Տարադրիմք, ևւ ո՞չ տաղնապիմք,
Եղծանիմք, ևւ ո՞չ զղջանամք,
Մաշիմք, ևւ ո՞չ մտառեմք,
Պակասիմք, ևւ ո՞չ պատրաստիմք,
Գնամք, ևւ ո՞չ զդուշանամք,
Գերիմք, ևւ ո՞չ եւս զգամք...⁷

Նարեկացին իր ողբական քնարականության միջոցով քննում, վերլուծում
է և արտացոլում ողջ մարդկային կյանքը, նրա անհրապույր անցյալն ու ներ-
կան և նրա գալիքը՝ անորոշ։ Այս շրջագծերում, ահա, ակներև են դառնում
Նարեկացի հանճարի ներքին, ազգային և հոգևոր խորին ցավերը, հայոց ժա-
մանակակից կյանքի, հավատքի ու հայրենիքի անհուսալի գոյավիճակի հետ
կապված հարցերը։

Նարեկացին առաջինը իր ուսուցչից՝ Անանիա Նարեկացուց անիմիչապես
հետո, նրա «Ներբողական ասացեալ ի Ս. Կաթողիկէ եկեղեցի, որ է ի նոր
քաղաքի, որ կոչի Վաղարշապատ» բանաստեղծության ոգուն հարազատ ու
համահունչ, իր «Մատենանում» բարձրացնում է հայոց ընդհանրական եկեղե-
ցու կաթողիկեի գաղափարը, գաղափար, որ միջին դարերում նպաստում էր
ֆրիստոնյա ազգերի, նրանց եկեղեցու գոյապայքարին, միասնությանն ու
առաջադիմությանը.

5 Բան Ե, էջ 262—263.

6 Բան ԻԱ, էջ 326.

7 Բան ՍԷ, էջ 465.

Եւ ի մատչել իմ ի գլուխ հանդիսի մեկնութեան բանի՝
 Նախաժամանեցէ՛ առ իս գթութիւն քո՝
 Խաւսելով յիս զարժանն եւ զպիտանիսն
 Եւ զհաճոյս քո ի ժամանակի,
 Ի փառս եւ ի գովեստ աստուածութեանդ ընդ
 Եւ ի լրութիւն շինութեան կաթողիկէ եկեղեցւոյն՝

Նարեկացիին բառացիորեն քրիստոնեութեան մեծ ու փոքր բոլոր եկեղեցիներին միասնութեան, միմյանց հետ շաղկապելու, միարանելու հարցն է առաջադրում նաև «Մատենանի» ԽԶ դիւանի Բ հատվածում.

Դարձեալ այս սուրինակ հոգեւորական,
 Որ զսիրտն յագուած շաղկապէ ի մի առ եկեղեցի,
 Բնւ խորհրդածի.
 Իբր զի առանց բնաւից զուգամասնութեան
 Կապակցել լծով հաւանականաւ զվեհն ընդ փոքուն,
 Վնասեալ է հաստուածոյն անարատութիւն յանուն Քրիստոսի ժողովելոց:

Նարեկացիին է հայոց առաջին այն բանաստեղծը, որ իր «Մատենանում» և տաղերում խոստում համեմատութիւններով ներկայացնում է Արարատը, Մասիսը իբրև ազգային բնապատկերներ.

Նա զի թէ դմայրս Լիբանանու ի մի լուծ կշոռց զաւգեցից,
 Եւ կամ զլեւոն Արարատեան
 Ի կէտ ամբարձման նժարի միոյ
 Արդարութեան միջնորդ կացուցից,
 Ո՛չ հաւասարէ այնր հարութեան համազուգակցելոյ՝

Եկեղեցիների «վեհն փոքրի հետ իբրև համարժեք» ասելով, կամ Լիբանանը և Արարատը միասին հիշելով բանաստեղծը միաժամանակ քրիստոնյա մեծ ժողովուրդների հավատքի և քրիստոնյա հայության շահերի համադրություն է ընդգծում: Նման, առավել որոշակի հայացքի մենը հանդիպում ենք նաև նրա «Տաղ յարութեան» քնարերգության մեջ: Այս երգի ճշմարիտ վերլուծության պատիվը պատկանում է հայագետ Գեորգ Աբգարյանին: Հիշելով հայրենի բնության հանճարեղ խոսնակ նարեկացիին հյուսում է ազգային-պատմական, տեղագրական աներևակայելի բնապատկերներ. դրանց մեջ չորս բնագամ հիշատակվում է Մասիսը, իբրև խորհրդանշիչ Հայոց երկրի.

Սայլն այն իջանէր ի լեռնէն ի Մասեազ,
 Եւ ի վերայ նորա՝ աթոռ ոսկեղէն,
 Նա ի վերայ նորա՝ բեհեղ ծիրանի,
 Եւ ի վերայ նորա՝ Որդի Արթայի...

Եթէ հարկւր բարձր խորձան, վեց կոռնկան
 Մին մանուշակ՝ խնձազիդեալ,
 Ի Մասեազ յաջ կողմանէն
 Զսայլիկն ածեալ են, կտցուցեալ.
 Եւ ահա շարժէր սայլիկն այն,
 Եւ ահա յիսազայր անիւն այն...

Ի գիւ գայր, ի գիւ, սայլակն ի գիւ,
 Ի Մասեաց յաջ կողմանէն
 Սայլիկն ի գիւ գայր, ի գիւ,
 Եւ ճռնչալով գայր մտանէր Երուսաղէմ¹⁰:

⁸ Բան ԼԴ, էջ 386:

⁹ Բան ԽԶ, էջ 424—425, բան Բ, էջ 277:

¹⁰ Գրիգոր Նարեկացի. Տաղեր և գանձեր, աշխատասիրությամբ Արմինե Քյոչկերյանի. Երևան, 1981, էջ 59, 61, 64:

«Հայ հանճարը,—նկատում է Գևորգ Աբգարյանը,—հարուժյան գաղափարը կիրառել է նաև սեփական հայրենիքի կապակցությամբ: Հայրենիքն է պատճառը, որ սալլը ընթանում է ոչ թե աստվածաշնչային Մինայով, այլ իշնում և «ի լեռնէն ի Մասհաց...»: Բանաստեղծի պատկերացմամբ,—շարունակում է Գ. Աբգարյանը,—Քրիստոսի հարությունը փառաբանող շքախմբի հանդիսավոր երթն սկսվում է Մասիսի աջ կողմից (ուր էջմիածինն է) և զնում ճանաչում է Նրուսաղեմ՝ ազդարարելով մարդկության հարությունն ու աղափարությունը»¹¹:

Նարեկացին քրիստոնեական համըղհանուր հավատքի և հայոց ազգային հավատքի շահերի համադրության, համաքրիստոնեական եկեղեցու կաթողիկոսի հզորացման նույն հարցերն է ռարձրացնում նաև «Ապարանից խաչին» նվիրված ներբողում: Ուշագրավ է նաև, որ այստեղ խաչը, որ ունի քրիստոսի խաչելության խորհուրդը, համադրվում է երկրի, տիեզերքի քառանկ եպստանի հետ և ապա ներկայացվում նրա պատմությունը, նրա դերն ու նշանակությունը քրիստոնյա ժողովուրդների առաջադիմության ընթացքի, թշնամիների դեմ մղած նրա պայքարի մեջ և այլն: «Որ և ի սկիզբն գոյանալոյն յէնն էակացս՝ տարածումն յատակաց գետնոյն կառուցման, ի գուշակութիւն քումդ օրինակի ի կայս քառանկիւն կերպի հաստատեցաւ... Եւ հաստատեա ի գիծ քառանման պատկառելի քոյին տեսութեան զանյալտն հեղուսեալ, զանաւարմիւն բեռեալ, զանմահն մահացեալ... Եւ սինհոդոս կաթողիկէ անսասանական վերինն սիովնի՝ սին և նեցուկ նորին ամրոցի հաստատ պընդութեամբ դու խարսխեցար...»¹²:

Այս առումով ուշագրավ են նաև նարեկացու աշխարհայացքի շուրջ
2. Թամրազյանի արած համապատասխան ընդհանրացումները. «Հան-
ճարեղ բանաստեղծը,— գրում է նա,—ստեղծել է ազգային խառնվածքի ավելի
բարդ, առեղծվածային բարձր մի երևույթ: Արտասովոր ազգային, բարոյա-
կան մեծ տեսողությամբ տեղ բանաստեղծը չէր կարող... չընկալել հայ մար-
դու դարերի փորձն ու բախտը»¹³:

Թեև երբեք չի լուում հայոց ողբի, նարեկյան ողբի ձայնը, սակայն հայկական վերջին թագավորության անկումից հետո, XIV դարի II կեսից մինչև XVII դարի առաջին կեսը, երբ օտար նվաճողների կրոնկի տակ ամայանում էր հայ աշխարհը, բեկվում են հայոց վերածննդի գրականության զարգացման ուղիները և կորանում՝ նաև ողբի և սթափման բանաստեղծության վերջնթաց գիծը։ XVIII դարում, ահա (դեռևս XVII դարի երկրորդ կեսից) հայոց նոր և ընդհանուր վերանորոգության շարժումը, հայ հասարակական-քաղաքական, մշակութային կյանքի համատեղ զարգացման պայմաններում, կրոնաազգային գործիչ բանաստեղծները, մայր Հայրենիքում թե գաղթավայրերում, ձգտում են, առավել ծրագրային հիմունքներով, վերականգնել վերածննդի գրականության՝ անկման դարերում կորցրած նվաճումները, ճանաչել, յուրացնել հայոց անցյալի գրական, գեղագիտական, պատմագիտական, փիլիսոփայական մտքի նվաճումները և, միաժամանակ, հետևելով եվրոպայի և Ռուսաստանի քաղաքակրթությանը, որքան որ հնարավոր է, ստեղծել նաև նորը, ազգայինը։ «Եվ հնի հենց այս մահվան մեջ է, որ սկսվում է ծնվել նորը՝ հնի վերածնունդամբ,—նկատում է Մանուկ Աբեղյանը։—Պետք էր հայությունը փրկել վերջնական անկումից և վայրենացումից... Դրա համար երկու ձևնապարհ է ներկայանում նրանց՝ վերածննդի հին հայ կյանքը, գիրք ու գրականությունը և ապա, օգտվել եվրոպական լուսավորությունից»¹⁴։ Այո, XVIII դարի

¹¹ Գեորգ Աբդարյան. Վերլուծություն Գրիգոր Նարեկացու «Յարութեան տաղի».—
«Համագիր», 1974, Ա—Բ; Անվանի երաժշտագետ Ն. Թահմազյանը նկատում է, որ Նարեկացու
«Յարութեան տաղը» ունեցել է բարդ եղանակ և երգվել է դժվարությամբ:

12 Սրբոյ Հօրն մերոյ Գրիգորի Նարեկացւոյ Ծրկրորդ մատեան ճառից. Վենետիկ, Ս. Ղա-
ղար, 1827, էջ 45, 52:

¹³ Հրանտ Թամրազյան. Քննադատություն. Երևան, 1985, էջ 87:

¹⁴ Մասունկ Արեղյան. Հայոց հին դրականության պատմություն. դերը Լրկրորդ.
Երևան, 1946, է. 438:

լուսավորականները իրենց ստեղծագործություններում արտահայտեցին հայոց անցած դարերի և հատկապես IV—V և X—XIV դդ. վերածննդի՝ գիտության, գրականության, բանաստեղծության նվաճումները, միաժամանակ իրենց հայացքները սեփական դեպի նվրոպա և Ռուսաստան: «...Ահավոր անկումից, փոշիացումից, կրոնի, քաղաքակրթության, աշխարհիկ կյանքի սարսափելի վայրէջքին հաջորդած վերանորոգության մի ժամանակաշրջան էր այդ,—գրում է գրականագետ Ս. Սարինյանը,—երբ վաճառական և հոգևոր դասերի հեռատես մարդիկ միջոցներ էին ձեռնարկում կանխելու ահավոր անկումը. ազգային վերանորոգության միջոցն, որը արձագանք լինելով եվրոպական լուսավորության, միտում ուներ վերակենդանացնելու հին Հայաստանի քաղաքակրթությունը՝ հետամտելով որոշակի քաղաքական հեռանկարներ՝ «կրթել և դաստիարակել հայրենասիրական ոգով հայ երիտասարդներին, պահպանել եկեղեցու և ազգի միաբանությունը»¹⁵: Իբրև պատմական այս հանգամանքների ծնունդ, XVIII դարում զարգանում է նարեկացիական մի նոր շարժում. նշանավոր գործիչ-բանաստեղծները՝ Մխիթար Սեբաստացի, Պետրոս Նախիջևանցի, Պաղտատար Դպիր, Հակոբ Նալյան, Հովհաննես Կարնեցի, Հակոբ Շահամիրյան և այլք «Մատեններ» մեկնաբանում են, քննում, տպագրում են աղբյուրագիտական նշումներով, արձակ և չափածո հիշատակարաններով. «Մատեններ» մուտք է գործում XVIII դարի քերականության, ճարտասանության դասագրքերը, պատմագիտական աշխատություններն ու բառարանները: Այստեղ դիտելի է մի նուրբ անցում: XVIII դարում նարեկացու «Մատեններ» ծիսական, կրոնական գրականությունից արդեն վճռականորեն անցնում է նաև աշխարհիկ, գիտական, կրթական գրականություն: Այս երևույթի առաջին կրողն էր Մխիթարյան դպրոցը: Մխիթար Սեբաստացին իր ճարտասանական, քերականական դասագրքերը համեմատ է նարեկյան գեղեցկաոճ օրինակներով: Մեծ հայկաբանը անդրադառնում է նաև նարեկացու անձի ու գործի գնահատության հարցին: Սեբաստացին զարմանալիորեն նուրբ, ճշմարիտ ու խորունկ գեղագիտական ընդհանրացումներ է անում նարեկացու բնատուր հանճարի, նրա անհատականության մասին: Մխիթարյան դիվանում, հայագետ Ս. Վ. Ճեմճեմյանի վկայությամբ, պահվում են «Հայկազեան բառարանի» համար «Նախնեաց մատենագրութիւնից»՝ «Նորենացի, նարեկացի, Շնորհալի, Լամբրոնացի, Աստվածաշունչից քաղված բազմաթիվ բառացանկեր՝ անձամբ Մխիթար Սեբաստացու և նրա աշակերտների կողմից կազմած»¹⁶: Մի քայլ Զամչյանն իր «Հայոց պատմության» մեջ առանձին բաժին է հատկացնում նարեկացուն՝ ներկայացնելով նրա կյանքի և գործունեության կարևոր էջերը:

Նախորդ դարերում նարեկացու շուրջ ստեղծված ու տարածված ժողովրդական բազմաթիվ զրույցներից նոր ժամանակներում ստեղծվում է մի գողտրիկ վիպական պատմություն՝ 17 մասից բաղկացած: Վիպերգությունը կրում է «Վարք և պատմութիւն սրբոյն Գրիգորի նարեկացւոյն» խորագիրը: Հեղինակն է Մովսես քահանան: Ձեռագրերում պահպանվել են այդ վիպասանության նորագույն տարբերակային ընդօրինակությունները՝ 1806, 1837 թթ., վերջինս ընդօրինակված է 1713 թ. գրչագրից¹⁷:

Նարեկացու պատմական հեղափոխիչ դերը հայոց դասական բանաստեղծությունը համաշխարհային բարձունքի հասցնելու և հին, հեթանոսական բանաստեղծությունը ճանաչման ներկայացնելու հարցերում անգնահատելի է մեծանուն գիտնական Արշակ Զոպանյանի դերը՝ ինչպես միանգամայն ճիշտ նկատում է պատմաբան Կարլեն Դալլաքյանը իր «Արշակ Զոպանյան» ուղագրով մեկնադրության մեջ¹⁸: Նարեկացիագիտությունը, սակայն,

¹⁵ «Պատմա-բանասիրական հանդես», 1970, № 3, էջ 265:

¹⁶ Ս հ ա կ վ ա ր դ ա պ և տ Ճ Լ մ Ճ Լ մ յ ա ն. Մխիթար Աբրահոմ հրատարակական առաքելությունը. Վենետիկ, 1934, էջ 112:

¹⁷ Մեր օրերում նարեկացու մասին զրույցները հավաքել և ծանոթագրել է ակադեմիկոս Արամ Ղանալանյանը (Ավանդապատում. Երևան, 1969, էջ 306—320):

¹⁸ Կ. Դ ա լ լ ա ք յ ա ն. Արշակ Զոպանյան. Երևան, 1937:

ինչպես նկատեցինք, զարգացման նոր ընթացքի մեջ է մտնում դեռևս XVIII դարում: Այն նպաստում է նաև դարի կրոնաազգային դասական բանաստեղծության վերելքին:

«Մատենան ողբերգության» պոեմի կենսափիլիսոփայության անմիջական ազդեցությամբ ստեղծվում են ողբի և սթափման բազմատեսակ երգեր՝ քնարական ներբողներ, նկարագրական, գիտական-ուսուցողական, ճանաչողական մեծ ու փոքր բանաստեղծություններ, ստեղծվում է մի նոր Մատենան «Աղօթական բանքի խորոց սրտէ ստորաբէկ զղջմամբ»...

Դարի նարեկաշունչ երկերի դրալի մասում նույն երկինքն է ու երկիրը, նույն սրբերն ու մարգարեները, Մարիամը, Քրիստոսը, նույն ինքը՝ ամենակարող աստված, և այս բոլորի կենտրոնում կանգնած մարդ արարածը՝ XVIII դարի բանական գույր՝ իր նոր աշխարհազգացողությամբ, բայց և հոգու նույն տառապանքով, նույն ողբով և լացով: Բանաստեղծությունը քննադատաբար մարդու վերափոխության ուղիներն է նշում՝ հայոց հասարակական, տնտեսական, կրոնաազգային ժամանակակից կյանքի պահանջներից ելնելով: Այստեղ է, որ որոշակի արտահայտություն է ստանում բանական գույրի մասին նարեկացիական կենսափիլիսոփայությունը:

Կատարեա՛րդ իմ տէր, լինիլ թե՛կ նման,
Որքան որ տանի իմս էութիւն,
Քանզի տիրապէս կատարեալ դու ես...19,

«Զափավորի՛ր Տեր, իմ զգացական հատկությունները, բանականությամբ առաջնորդիր ինձ, բացիր իմ աչքերը՝ արատներս տեսնելու...», — թախանձում է Պետրոս Նախիջևանցին իր «Աղօթական բանք ընդ աստուծոյ ի խորոց սրտէ...» պոեմում:

Զարթո՛րդա՛ս իմ դիմացական յայիլ յիս,
Եւ իմանալ դողեղութիւնս,
Եւ ճանաչել զլափ անձի իմոյ...20
Եւ, արդ ո՞վ անձն իմ ամենամեղ...
Մինչև ցե՛րբ դիմակս կերպից ողբոց ջարդորես...
Վա՛յ ինձ, յաւուր ամենայնի,
Եւ քանզի անօգուտ է ինձ սուգն, որ անդրէն աստէն ողբացից21,—

ուսուցիր ինձ Տէ՛ր,— դարձյալ աղերսում է բանաստեղծ, որպեսզի ես բանականությամբ կառավարեմ ինքս ինձ, սաստեմ մարմնիս վնասակար կրքերը, լինեմ արդարամիտ, իրավասեր, պաշտպանեմ իմ «ազգի աւանկաց», «գայլերի հաւաքումներէց»: Պետրոս Նախիջևանցին «Ի խորոց սրտէ» վերապրում է նարեկացի հանճարի բոլոր հույզերն ու գաղափարները՝ հայոց ժամանակակից կյանքին համահունչուն:

Զորացո՛ր, դհոգիս ճնաղանդել դմարմին,
Զորացո՛ր, դմիտս դիւրութեամբ թագաւորել յիս22:

«Տէր ողորմեա՛», — աղաչում է Մովսես Զուղայեցին «Ողոր աղէրսուաց արտասուաց» քնարական իր պոեմում, բանական գույրի բյուրավոր ցավերի համար. «Յողեա՛ զցօղ շընշոյդ»:

19 Մաշտոցի անվ. Մատենադարան (ՄՄ), ձեռ. № 6532, էջ 46բ:

20 ՄՄ ձեռ. № 10, էջ 147ա:

21 Նույն տեղում, էջ 132բ:

22 Նույն տեղում, էջ 29բ:

Յոսոխաց Երից,
Ցաւէտ պարտեցեալս,
Ցարածամ տանջիմ.
Նետից բանսարկուն
Նպատակ եղէ,
Նովիմր սատակիմ.
Տէ՛ր, ողորմեա՛...
Ցնծովին բնակից,
Ցողեա՛ դցող շքնշոյղ,
Ցաւոյս զօվացումն...
Տէ՛ր, ողորմեա՛...²³

ՃՄԻԻ դարի թափառական հայր իր հետ կրում է «Մատեանը» իբրեւ իր հոգեւոր և գիտակցական կյանքի ուղեկից, հույսի, լույսի, վերակենդանութեան աղբյուր...

Բարուն պայծառ և ցանկալի,
Տէր սուրբ Գրիգոր Նարեկացի,
Միշտ առ աստուած հոգով խօսի,
Բանիւք իւր ընտիր՝ հանուրց յայտնի...
Իծեալ եմ ես մեղօք նուաստ,
Բերես լիցի հոգւոյս նպաստ,
Զթմեալ հոգիս ւսնէ զգահտ,
Որք մտանեն ի յայս դարաստ²⁴,—

Գրում է Իգնատիոս Զուղայեցին:

Ո՛հ, խաւարն անլոյս
Տարածեալ գինև յոժ,
Խաւարն տարածեցաւ,
Լուսաւորեա՛ դիս Մարիամ²⁵,—

աղերսում է Պաղտասար Դպիրը:

Աւա՛ղ ինձ որ ի կեանս եկի,
Զօգուտ իմ ո՛չ զարակեցի,
Զթաքուն զանձն ի յազարակի ո՛չ գտի...,—

ՂԺԳՈՀՈՒՄ է Պաղտասար Դպիրը «Մատեանի» գաղափարներով համակված իր բազմաթիւ երգերում:

...Զիս ըզմոլեկանս ըզգօնացո,
Պաղատիմ առ քեզ,
Դարձո՛ ի բարիս ըստ քո հետոյն
Արա՛ րանական²⁶,—

Թախանձում է բանաստեղծը:

«Ահա, ես ինքն ինձէն կամաւորապէս անձնամատն և մարմնակործան»,— ողբում է Նարեկացին, «աղաղակեմ զմեղանս իմ դիտելով ինձնէ...», «ինձէն ինձ խորխորատ բացի»—ողբում է Պաղտասար Դպիրը.

²³ ՄՄ ձեռ. № 828, էջ 48ա:

²⁴ Բանք աղօթից սրբոյն Գրիգորի Նարեկացւոյ. Վենետիկ, 1863, էջ 309—310:

²⁵ Պաղտասար Դպիր. Տաղարանիկ սիրոյ և կարօտանաց. Կ. Պոլիս, 1768, էջ 17:

²⁶ Տե՛ս «Բաղմաւկա», 1986, № 1—4, էջ 202—234:

Ի պատկեր արարչին իմոյ ըստեղծայ,
 Եւ զգրութիւն բանականի ընկալայ,
 Բայց ի պատկեր անասնային փոխեցայ.
 Ձեռքին իսկ բերելով ի յիս կերպարան²⁷:

Նարեկացիագետ բանաստեղծը երգում է իր «երգն ողբական» և կերպարվորում է իր դարի «մարմնական ցանկություններով մթափնված», իր ժամանակի «հոգեկորույս» և «մարմնակործան», իր դարի «յանասնոց հանգունացեալ», իր դարի «հոգւոյ բանական և ի մարմնոյ զգալի» մարդուն, ողբում է նրա ցավը, և մատնացույց անում համաքրիստոնեական գաղափարախոսության ճանապարհը՝ իբրեւ այլակրոն օտար բռնակալական իշխանությունների շփոթ հայոց ազգն ու հավատքը փրկելու միակ միջոց:

Այրեցին զտաճար սրբութեանդ քոյ,
 Պզծեցին ըզխորան անուան քո սրբոյ,
 Անուան քո սրբոյ.
 Որ ասացեր. «Ե՛մ է վրէժխնդրութիւն».
 Դատեալ, տէր, զայնոսիկ, որք դատեցին զիս
 Ծուտեցին յիս²⁸:

«Մեղա՛յ, տէր, մեղա՛յ»,—հառաչում է Պաղտասար Դպիրը, ինչպես Նարեկացին...—«Խի՛ր կենդանական շարութեան մոլեգին ղէնքն»,—աղերսում է Պաղտասար Դպիրը, ինչպես Նարեկացին:—«Ապրեցո՛ւ զիս», «կենսագործես՛ զիս», «լուսաւորեա՛ զիս», «տուր զօրութիւն ընդդիմանալ ներհակին», «լէ՛ր օղնական ի մարտի», «պահպանի՛ր զմեզ ի շար գազանէ», «ների՛ր ըզլերան անգոյն հանցանս», «լո՛ւր թիկունս», «տո՛ւր ինձ բանական զօրութիւն խափանելու ծով մեղքերիս աննավաճար ընթացքը»,—թախանձում է Պաղտասար Դպիրը հույսի ու հավատի իր նարեկաշունչ երգերում:

Անձն իմ, ընդէ՛ր հառաչմամբ ի հոգ մրտաց վարանիս,
 Կամ ղի՞ ի խոր տըրտմելով, հոգոց հանեալ տառապիս.
 Մի՛ լար, մի՛ լար, մի՛ հոգար,
 Այս ամենայն անցանէ²⁹:

Նարեկացու ողբի քննադատական ոգին նոր լիցք է տալիս XVIII դարի ողբասացներին: Պետրոս Ղափանցին նույն ողբն է ողբում ազգին նվիրված իր նարեկաշունչ երգերում:

Բարձրաձայնեալ զօր ամենայն վայվայեմ,
 Մազլովք ղերեսս պատառոտեալ քայքայեմ,
 Անծարացեալ ըզտերեսդ փայփայեմ.
 Բացի՛ր, բացի՛ր, իմ կարմիր վարդ անման,
 Գեղըդ նման արեգական վառվառման:
 Տառապանօք սիրով քոյին ղեզերիմ,
 Ի սուղ, ի լաց կալեալ-կապեալ՝ ես գերիմ,
 Հուշիմ, մաշիմ և բիւր ցաօք երերիմ...
 Ողբակենցաղս և լալակոծ բազմամեայ,
 Սրգաւորաց լորմանն եղէ առարկա,
 Եթէ համիս՝ բողոք կալնում առ արքա...³⁰

Այսպես է սգում «ողբականցաղ և լալակոծ» բանաստեղծը իր «վարդ» հայրենիքի պետականության կորուստը, իր հայրենիքի սերը: Նարեկացու Ող-

27 Պաղտասար Դպիր. [Տաղարան անխորագիր]. Կ. Պոլիս, 1768, էջ 45:

28 Պաղտասար Դպիր. Տաղիկներ սիրոյ և կարօտանաց. Երևան, 1958, էջ 135:

29 Նույն տեղում, էջ 138:

30 Ե. Նալբարյան. Պետրոս Ղափանցի. Երևան, 1969, էջ 279—280, 288, 290:

բի հուզականության ուժն ու թափը համակել է Ղափանցի ողբասացին.
«...էի, եմ և եղից վարժարան սգոց», «հմուտ հեղինակ հառաչմանը յոգ-
ւոց...»:

Ողբը «ի խորոց սրտէ», «հեծեծանքն ու հառաչանքը» չեն հանգստաց-
նում տառապյալ երգչին.

Ողբացէ՛ք դիս այսօր վարդիս զոյժ տալով
Կարոտով մեռածիմ ի բացեայ գոլով,
Օրերս իմ անցուցի ողբով և լալով.
Ահա՛, նրադիմ և շնչաքաղիմ,
Անկեալ հոգեվար՝ ի Լրկիր թաղիմ,
Տարածեմ ըղթես իմ, առ աստուած գոչեմ,
Ի խորոց սրտէ, միշտ հեծեմ, հառաչեմ,
Պահեսցէ՛ ըզվարդն իմ՝ անկեալ աղաչեմ³¹:

Իսկ «Առ ազգն ի պատուելի խորհրդաբար նշանակութեամբ վարդի» բա-
նաստեղծության մեջ Պետրոս Ղափանցին թախանձում է իր ժողովրդին՝ լեռ-
նէրում պատսպարվել, բանակ, զորագունդ պահել, օթեանել՝ մինչև հասնի
բաղձալի ժամը.

Քեզ Կարմելոս և Լիբանան, այլ և Սանիր,
Սահման կալեալ, բանակ արկեալ՝ օթեանի՛ր,
Մինչև անցէ՛ ձիւն և ձըմեռն՝ անդրէն խնամիր.
Հզօրեզ ծանի՛ր,
Հուսոյ նմանի՛ր,
Փոյթ մի՛ բանիր³²:

Ղազար Զահկեցին 1737 թ. տպագրում է «Ողբ ի վերայ Հայաստանի աշ-
խարհին» բանաստեղծությունը, ուր դարձյալ «ի խորոց սրտէ հեծեծմամբ»
հառաչում է, թե ո՛ւր են մեր փառազարդ իշխանքն», «քաջամարտիկ և զօ-
րավար Վարդանները, Մուշեղները, Վահանները, Տրդատ Հզոր արքան. Ար-
շակունիները»:

Որ պատերազմին վասն մեր,
Ազատին զգերեալքս ամենայն,
Փրկելով զազգս և զաղինս,
Եւ համայն զաշխարհ Հայաստան³³:

Ղազար Զահկեցին իր ազգային ցավերը երբեմն արտաբերում է նարե-
կացու ոճին հար և նման պատկերներով: «Երգ վշտացելոց անձանց» խորա-
գրով բանաստեղծության մեջ տողեր կան, որ հիշեցնում են Նարեկացու
«Մատենանի» Թ գլխի վերևում նշված հանրահայտ մտքերը.

Երկիրս մազաղաթ և ծովքըն մեկան,
Եւ դրիչ խեղ առնել ըզմայրս Լիբանան,
Ի կիր արկեալ զմեղանս ո՛չ են բաւական,
Կամ ի շափ քանակաց և ո՛չ թրւական³⁴:

Ղազար Զահկեցու «Դիրք աղօթից, որ կոչի Աստուածաղբոս» երկը, որ
անցյալում տպագրվել է չորս անգամ, ստեղծվել է Նարեկացու «Մատենանի»
անմիջական ազդեցությամբ: Դրբի երկրորդ մասը, որ գերակշռում է առա-

31 Նույն տեղում, էջ 255, 233:

32 Նույն տեղում, էջ 253:

33 Ղ ա զ ա Ր Զ ա հ կ ե ջ ի. Գիրք նորարոյս, որ կոչի Երգարան. Կ. Պոլիս, 1737, էջ 233:

34 Նույն տեղում, էջ 234:

շինին, ներկայացնում է «Մատենանի» հատընտիրը. «Աղօթք աստուածադերս և մշտամատույց ի սուրբ գրոցն Գրիգորի Նարեկացուն, հաւաքեցմամբ շաբաթարեցեալ Տէառն Ղաղարու յամենիմաստ հայրապետին, յաղագս իւրաքանչիւրոց անձանց աղօթողաց»:

«Մատենանի» քննադատանքի, ինքնադատանքի ոճը աստիճանաբար դառնում է տիրապետող: XVIII դարի ողբական քնարերգությունը, ի տարբերություն նախորդ դարերի, նարեկյան ողբի կենսափիլիսոփայության այս նրստվածքն ունի: Ոմանք նարեկացու այս կենսափիլիսոփայությունը գունազարդում են «միստիցիզմ» արտահայտությամբ: Հայտնի է, որ միստիցիզմը քրիստոնեական միջնադարում ընդդիմադիր (օպոզիցիոն) առաջադիմական դեր է կատարել, ինչպես բնութագրում է Ֆ. Էնգելսը: Նարեկյան միստիցիզմը միայն և միայն հետապնդում է միջնադարյան քրիստոնեական հավատքի ամրապնդման, մարդու բարոյական ապաքինության, հայոց ժամանակակից կյանքի բարեփոխության նպատակները: Դա է հանձնարեղ բանաստեղծի գեղագիտական մտահայացը: Սխալ չհասկանանք. եթե ոմանց կարծիքով միստիցիզմը մարդու անդրշիրիմյան կյանքի գաղափարն է փայփայում, ապա Նարեկացու մոտ չկա այդպիսի գաղափարի դույզն ձգտում: Ինչպես արդեն նկատեցինք, Նարեկացին «մահը շարիք» է համարում: Մեծ հումանիստի մտահոգության հարցը իրական, առարկայական ընդհանուր աշխարհի և հայոց հոգևոր ու պետական կյանքի առաջադիմության, վերափոխության հարցն է, այդ կյանքի կենտրոնում կանգնած մարդու կատարելության, աստվածայնացման խնդիրը: Հենց այս գաղափարներն են ոգևորել Նարեկացու քնարերգության XVIII դարի երկրպագուներին: Եթե Նարեկացին ասում է «ձուլվել», «միանալ երկնայինին»՝ «միավորիր քեզ հետ իմ հոգին», ապա դա նշանակում է, թե Նարեկացին մարդուն առաջարկում է հասնել աստվածային անրիժ, անարատ մաքրությանը, պատրաստ լինել հանուն ճշմարտի՝ կրելու Քրիստոսի շարշարանքները: Աստված, ըստ Նարեկացու, անշունչ բանական է, անտես, անկենդան, անհուն և անսահման, անմեղքուն՝ ինչպես բնությունը, իսկ մարդը՝ իրական, բանական, շոշափելի, կենդանի, շնչավոր դու է, հողածին, նա պետք է ձգտի հասնելու աստծու էությանը, կատարելությանը, նա պետք է ապրի իր հողի վրա՝ աստվածավայել: Նա պետք է երկրի վրա ապրի և ինչպես մահկանացու մեռնի մարմնով, իսկ հոգով, իր գործով անմահանա: «Խորտակեալս կազդուրեացես դեղ կենաց...», որպեսզի նա օգտակար լինի կյանքի համար և թեթև լինի նրա վախճանը, ապրի նաև մահից հետո, գործով, բարի, առաքինի անունով: Այս է Նարեկացու այսպես կոչված «միստիցիզմը»: Այս դիրքերից է նա անողոր քննադատության ենթարկում բոլոր «ստահակներին», «որոգայթ լարողներին», «խաբեբաններին», «բռնավորներին», «ուտիչ ցեցերին», «մահ որսողներին»:

Պակասեցին դէնք զրպարտողին,
Անկցին սուսեր մահաբերին...³⁵

Ահա թե ինչու ողբի ու սթափման բանաստեղծությունն առհասարակ և XVIII դարի հոգևոր և աշխարհիկ դասական բանաստեղծությունը, առավել ևս, առաջնորդվում է հավատք և հայրենիք, կրոն և գիտություն, հույս և լույս միասնական գաղափարով: Գեղագիտական այս ըմբռնումները բխում են նաև «Մատենան ողբերգութեան» պոեմի կենսափիլիսոփայության ակունքներից: «Ջամենայն ինչ հնարաւոր է այն, որ հաւատամք», «քանզի հաւատք քո կեցուցին զքեզ», «եւ սկզբնաւոր ողբերգութեան այսր աղերսանաց հաւատոցն շինուած կառուցից», — սահմանում է Նարեկացին:

Նարեկացու հավատը վերացական հասկացություն չէ և ոչ էլ միանշանակ, այն «անվթար է և անփակելի», «հրածագ և մշտապես համապատիվ և պատվակից՝ սիրո և հույսի»...

³⁵ Բան. Ղ, էջ 604:

Քանզի արդարև սեռն տեսութիւն,
 Եւ կատարեալ իմաստութիւն,
 Եւ առ աստուած ընտանութիւն,
 Եւ բարձրելոյն ծանօթութիւն
 Հաւատոց մասն երջանիկ եւ ընտրեալ անուն,
 Որ յարածագեալ մնայ անվթար եւ անփակելի՝
 Պատուակից գոլով սիրոյ եւ յուսոյ³⁶։

Նոր ժամանակներում գիտնական, բանաստեղծ Հակոբ Նալյանը, ավելի քան որևէ մեկն անցյալում, «Նարեկի» իր մեկնության մեջ, հատկապես ժ գլխում, հանգամանալից բացատրում է «Մատենան ողբերգութեան» երկի բովանդակության հիմքային այս գիծը՝ հավատք, հույս և սեր գաղափարի նարեկյան ըմբռնումը։ Նալյանը, ինչպես քրիստոնեական հավատի բոլոր նշանավոր գործիչները, մերժում է հավատի մերկապարանոց, ինքնանպատակ՝ «հավատքն ինքն իր համար, հավատքն ինքն իր մեջ», ըստ էության վերացական հայացքը։ Հավատն աներևույթ լինելով հանդերձ պետք է, մարդուն մղի դեպի իրականություն, հավասար սերտ կապի է յինի հույսի և սիրո, կյանքի հետ։ Քանզի «հաւատն ընդ յուսոյ եւ ընդ սիրոյ միշտ մնայ անվթար, անճգ եւ անսխալ», — ընդգծում է Հակոբ Նալյանը³⁷, «Ով թէ որքան գործունեայ և արդիւնաւոր էր սուրբս Գրիգորի սիրելի, զի նրէ սէրն ոչ երբէք է դատարկ, այլ գործ է զմեծամեծս, թէ է, և դադարի ի գործելոյ, ո՛չ է սէր, որպէս հուրն շիջեալ ածուխ ասի է ո՛չ հուր»³⁸, Հավատքն իմաստավորվում է բարի գործով և իր հետ բերում է սեր և հույս։ Ահա հավատքի նարեկացիական անհզոր, համայնապարփակ հասկացությունը։ Եվ ահա թե ինչու Նարեկացին իր «Մատենի» նպատակակետն է դարձնում «հավատքի շենքի կառուցումը» կամ «հաւատքն տեսակաւորեալ գործով բարեաց» գաղափարը, որ այնքան հիմնավորված մեկնաբանում է Հակոբ Նալյանը։ Ըստ Նալյանի, անօրինակ է Նարեկացու «Մատենան», աներևակայելի, անհասանելի՝ անկրկնելի՝ թե՛ գաղափարական բովանդակությամբ, թե՛ մարդասիրությամբ և թե՛ արվեստով։

Իր մեկնություններին հետո, եզրափակելով բանաստեղծություններում, ներբողներում, և՛ հիշատակագրական բնույթի շափածո երգերում, Նալյանը վերստին բարձրացնում է «Մատենի» համամարդկային նշանակությունը, բնութագրում Նարեկացի մտածողի, փիլիսոփայի, հրեշտակական վարդապետի հանճարը, արժեքավորում է «Մատենան» իբրև աստվածաբանական-փիլիսոփայական եղակի երկ, իբրև իմացաբանական, բարոյագիտական հանրագիտարան։ «Մատենան» հրաշագործություն է, հույսի ճանապարհուցույց, մարդկային հոգու հայելի, ուր ամեն ոք կարող է տեսնել իրեն՝ ինչպիսի որ կա, նրա մեջ գտնել իր երազանքը, իր սերը, իր հույզն ու հավատը։ Այս բանաստեղծություններում ևս մի զարմանալի իմացական գիծ է զարգացնում Նալյանը՝ քրիստոնեական հավատքի, սուրբ երրորդության և հունական մատերիալիստ փիլիսոփաների, հերակլյան աշխարհաճանաչողության միջև։

Երրորդութեան մի տէրութեան,
 Փառք և սլաութիւ յաիտեան,
 Որ համայնից տալ գոլ և կեան,
 Խոստանայ փառք հանգստեան.
 Զևղու շրնորհ ծովանըման,
 Քան ըղհոսանս Հերակլեան,
 Ամէն մէկի տայ ըստ տարփման.
 Զէտ հայելոց ըստ տեսլեան³⁹։

³⁶ Ռան. Ժ, էջ 283։

³⁷ Հակոբ Նալյան. Գրքը մեկնութեան աղօթից սրբոյն Գրիգորի Նարեկացու հրեշտակական վարդապետի. Կ. Պոլիս, 1745, էջ 91։

³⁸ Նույն տեղում, էջ 9։

³⁹ Նույն տեղում, էջ 1053։

Նալյանը իր բանաստեղծություններից մեկում, որը եզրափակում է 73-րդ գլխի մեկնությունը, ընթերցողին հանձնարարում է ատյան հանել, ժողովի նստել, քննել Նարեկը համոզվելու համար, որ աշխարհի բոլոր մեծությունները համարանում, խեղճանում են Նարեկացու առաջ։

Դի՛ր առաջի թոյ զայն ատեան,
Ցոր Տէրտուղոսըն քաջաբան,
Եւ Սողոմօն որդի Դաւթեան,
Լինին համերք անխօսական.
Անդ Օղոստոս հանրից արքայն,
Լինի աղքատ ւ անընչական,
Անդ դարձու ուժն ունական,
Է՛ նապաստակ երկշուական,
Անդ Կրրասոս փարթամ արքայն,
Ջէտ Սանդիտոռն է մերկական...⁴⁰

Հավատքի նարեկացիական համայնապարփակ ըմբռնումն է իշխում XVIII դարի ողբի և սթափման բանաստեղծության լավագույն էջերում և կենսափիլիսոփայական այդ հայացքն է ընկած նաև դարի գրական շարժման բոլոր հարցերի հենքում։

Հիրավի, ազգաձուլման ահեղ վտանգի առջև կանգնած հայ ժողովրդի գոյատևության, ինքնաճանաչման ու դիմադրողական պայքարի համար նախ և առաջ մեծ դեր ունեւր կատարելու հայի համատեքը, հայոց ընդհանրական հկեղեցին՝ կաթողիկէն։ Պատահականություն չէ, որ կաթողիկէի հզորացման հարցն էր մտահոգում X—XIV դդ. վերածննդի բանաստեղծության նշանավոր ներկայացուցիչներին՝ Անանիա Նարեկացուն, Գրիգոր Նարեկացուն, Վարդան Հայկազնին, Ստեփանոս Օրբելյանին, Մխիթար Այրիվանեցուն և այլոց, և նույն խնդիրն են բարձրացնում նաև XVIII դարի դասական բանաստեղծները։

Կաթողիկէ մեզ կառուցեալ,
Անվանելի ի դրանց զըծոխոց,
Եւղովն օծման գետ անտեալ,
Մա՛յր պաշտելի, սուրբ էջմիածին⁴¹,

ներբողում է Պաղտասար Դպիրը։

Էջմիածին, աստուածակերտ խորան լուսոյ,
Մասեան լերին փառք և պըսակ, մա՛յր հաւատոյ,
Իշմամբ բանին առ ի հօրէ տէառն աստուծոյ,
Որքեղացար անճառ փառք որպէս դոխոյ...

Եղեմ դրախտին տիպ և պատկեր ամենի՛ն,
Ջմեզ զմայլեցա ջնորհիւ քոյին սիրով ուժգին,
Ջարթի՛ր, դթա՛, տառապելով թոյոյ հոտին
Եւ ժողովեալ բնկա՛լ ի քոյդ սուրբ անկողին⁴²,—

Թախանձում է Պետրոս Ղափանցին։

Ի իձեալ տառապելոց որդեացս
ողորմեա՛, ողորմեա՛,
Ի ողբից բանասրկութիւն ըզմեզ

⁴⁰ Նույն տեղում, էջ 608։

⁴¹ Պաղտասար Դպիր. Տաղիկներ, էջ 97։

⁴² Պետրոս Ղափանցի, էջ 305։

ազատեա՛, ազատեա՛:
 Ո՛ր խղճալի Ղազար զերոյս
 ա՛յց արա, ա՛յց արա...⁴³ —

ողորում է Ղազար Զահկեցին էջմիածնին նվիրված երգերում:

էջմիածնին՝ կաթողիկեն, հայ ժողովրդի հավաքականության խորհրդանշին է եղել X—XIV դդ. վերածննդի քնարերգության մեջ և այդ գաղափարն են վերստին, մի նոր ուժով րարձրացնում նաև XVIII դարի քնարերգուները: Այսպես ուրեմն. XVIII դարում, ի տարբերություն նախորդ դարերի, նաբեկացիական շարժումը ներթափանցում է հայ գրական, մշակութային կյանքի գրեթե բոլոր ոլորտները՝ ձեռագրերի, տպագիրների աշխարհ, պատմության, քերականության, ճարտասանության գասագրքեր, գեղարվեստական, մեկնողական, վերլուծական-փրկիստիայական գրականություն և այլն: Ստեղծվում են Նարեկացուն նվիրված ռազմաթիվ նոր ներբողներ, զրույցներ, տեւիլներ, պոեմներ, ոգերի և սթափման քնարական անհամար երգեր: XVIII դարի վերանորոգվող գրական շարժումը, նարեկյան ողբի արձագանքներով, նպաստում է XIX դարի հայոց նոր դասական բանաստեղծության բուռն վերելքին:

ОТЗВУКИ СКОРБНЫХ ПЕСНОПЕНИЙ НАРЕКАЦИ В ПОЭЗИИ XVIII в.

Доктор фил. наук Ш. Л. НАЗАРЯН

Резюме

В XVIII в. начинается программное обновление армянской классической поэзии на грабаре и ашхарабаре. Уже начиная с V в. в армянской средневековой духовной песне, в молитвах и «шараках» наряду с мотивами горя и страдания появляются элементы самоутверждения и борьбы. Истинное возрождение армянской классической поэзии, духовной и мирской песни приходится на период всеобщего подъема армянской культурной жизни X—XIV вв. Впервые главным героем становится человек—верующее, мыслящее существо со своей индивидуальностью, с новым мироощущением. Первичной задачей поэзии становится усовершенствование человека.

В XVIII в. в условиях развития армянской общественной, политической и культурной жизни многие национальные деятели-поэты (Мхитар Себасти, Хачатур Эрэрумец, Пахтаоар Дипр, Петрос Капанян, Акол Нальян, Петрос Нахиджеванцы и др.) стремятся возродить достижения армянской литературы, утраченные в период спада (XIV—XVII вв.). Они изучают армянскую литературную, эстетическую, историографическую, философскую мысль прошлого и, опираясь на успехи европейской и русской цивилизации, пытаются создать новую национальную поэзию. В этих условиях зарождается проникающее во все сферы армянской литературной жизни движение, связанное с изучением творчества Нарекац.

⁴³ Ղ ա զ ա Ր Զ ա հ կ ե ջ ի. Երգարան, էջ 111: